



სსიპ საქართველოს ტექნიკური უნივერსიტეტის რექტორის
ბრძანება

ქ. თბილისი



MES 6 22 0001124711



20/09/2022

სამაგისტრო პროგრამებზე დამატებითი ჩარიცხვის შესახებ

“სამაგისტრო გამოცდების ჩატარების დებულებისა დასახელმწიფო სასწავლო სამაგისტრო გრანტის განაწილების წესის დამტკიცების შესახებ” საქართველოს განათლებისა და მეცნიერების მინისტრის 2009 წლის 22 აპრილის №227 ბრძანების და სტუ-ის წესდების საფუძველზე, საქართველოს ტექნიკურ უნივერსიტეტში 2022-2023 სასწავლო წელს სამაგისტრო პროგრამებზე ჩარიცხვის პროცესის ორგანიზებულად ჩატარების მიზნით

ვბრძანებ:

1. საქართველოს ტექნიკური უნივერსიტეტის სამაგისტრო საგანმანათლებლო პროგრამებზე გამოცხადდეს დამატებითი მიღება დანართი 1-ში მითითებულ ვაკანსიებზე;
2. სამაგისტრო პროგრამებზე ჩარიცხვის პროცესის წარმართვა დაევალოს სტუ-ის სასწავლო პროცესების მართვის დეპარტამენტის უფროსს თ. წერეთელს;
3. საქართველოს ტექნიკური უნივერსიტეტის სამაგისტრო საგანმანათლებლო პროგრამებზე ჩარიცხვის მსურველთა რეგისტრაცია განხორციელდეს ელექტრონულ პლატფორმაზე - register.gtu.ge, 2022 წლის 21 სექტემბრიდან 22 სექტემბრის 17⁰⁰ - საათამდე (რეგისტრაციისთვის საჭირო დოკუმენტაცია იხ. დანართი -2, დანართი 3);
4. ფაკულტეტებზე პასუხისმგებელ პირებს დაევალოთ ჩარიცხვის მსურველთა მიერ ატვირთული ინფორმაციის შემოწმება (პასუხისმგებელ პირები ფაკულტეტების მიხედვით იხ. დანართი 4);
5. განცხადებების რეგისტრაცია, არსებული წესის თანახმად, დაევალოს სტუ-ის საქმის წარმოების დეპარტამენტის უფროსის მოვალეობის შემსრულებელს ლ. თარგამაძეს;

6. სამაგისტრო პროგრამებზე მისაღები სასპეციალიზაციო გამოცდები ჩატარდეს 2022 წლის 23 სექტემბერს 14⁰⁰ საათზე, სტუ-ის საგამოცდო და ელექტრონული სასწავლო რესურსების ცენტრში (დარბაზი 2, პირველი სართული), სტუ-ის I კორპუსი, კოსტავას ქ. 68
7. სამაგისტრო პროგრამაზე დაშვების წინაპირობის (იხ. დანართი 5) შესაბამისად გამოცდა უცხო ენაში ჩატარდეს 2022 წლის 23 სექტემბერს 16⁰⁰ საათზე, სტუ-ის I კორპუსში, საგამოცდო და ელექტრონული სასწავლო რესურსების ცენტრში (დარბაზი 2, პირველი სართული), კოსტავას ქ. N68
8. სამაგისტრო პროგრამაზე დაშვების წინაპირობის (იხ. დანართი 5) შესაბამისად გასაუბრება უცხო ენაში ჩატარდეს 2022 წლის 23 სექტემბერს 16⁰⁰ საათზე, სტუ-ის ადმინისტრაციულ კორპუსში, კოსტავას ქ. N77, (ცენტრალურ ბიბლიოთეკაში);
9. სასპეციალიზაციო და უცხო ენაში გამოცდების შედეგები, ასევე, უცხო ენაში გასაუბრების შედეგები გამოცხადდეს 24 სექტემბერს და განთავსდეს უნივერსიტეტის ოფიციალურ ვებ გვერდზე;
10. საპრეტენზიო განცხადებების მიღება მოხდეს გამოცდების ჩატარების ადგილზე 2022 წლის 23 სექტემბრიდან 26 სექტემბრის 12⁰⁰ საათამდე.
11. გამოცდების საბოლოო შედეგები (აპელაციის შემდეგ) გამოცხადდეს 2022 წლის 26 სექტემბერს და იმავე დღეს განთავსდეს უნივერსიტეტის ოფიციალურ ვებგვერდზე;
12. ფაკულტეტების დეკანებმა საერთო სამაგისტრო გამოცდის თითოეული ნაწილისა და სასპეციალიზაციო გამოცდის შედეგების საფუძველზე (საკონკურსო ქულა), მოამზადონ სამაგისტრო გამოცდების კოეფიციენტებით რანჟირების საფაკულტეტო დოკუმენტი და შესაბამისი წარდგინება სამაგისტრო პროგრამებზე ჩარიცხვის შესახებ და უზრუნველყონ ამ დოკუმენტების წარდგენა სასწავლო პროცესების მართვის დეპარტამენტში არაუგვიანეს 2022 წლის 27 სექტემბრისა. 27 სექტემბერს მოხდეს მათი განთავსება უნივერსიტეტის ოფიციალურ ვებგვერდზე;
13. სტუ-ის ფაკულტეტების დეკანებმა უზრუნველყონ მაგისტრანტობის კანდიდატებთან სასწავლო და საფინანსო ხელშეკრულების გაფორმება 2022 წლის 27 სექტემბრიდან 28 სექტემბრის ჩათვლით და 29 სექტემბერს წარმოადგინონ ჩარიცხვის პროექტი სასწავლო პროცესების მართვის დეპარტამენტში;
14. სასწავლო პროცესების მართვის დეპარტამენტმა 2022-2023 სასწავლო წლისთვის სტუ-ის სამაგისტრო პროგრამებზე ჩასარიცხად მოამზადოს რექტორის ერთიანი ადმინისტრაციულ-სამართლებრივი აქტი (ბრძანება) არაუგვიანეს 2022 წლის 1 ოქტომბრისა და საქართველოს განათლებისა და მეცნიერების მინისტრის 2009 წლის 22 აპრილის №227 ბრძანებით განსაზღვრულ ვადაში უზრუნველყოს მისი წარდგენა სსიპ შეფასებისა და გამოცდების ეროვნულ ცენტრსა და სსიპ განათლების ხარისხის განვითარების ეროვნულ ცენტრში;
15. კონტროლი ბრძანების შესრულებაზე დაევალოს ვიცე-რექტორს ლ. კლიმიაშვილს;
16. ბრძანება განთავსდეს სტუ-ის ვებგვერდზე და მისი გაცნობა დაინტერესებული პირებისათვის უზრუნველყოს საქმის წარმოების დეპარტამენტმა.
17. ბრძანება შეიძლება გასაჩივრდეს გამოქვეყნებიდან 1 (ერთი) თვის ვადაში თბილისის საქალაქო სასამართლოში (მდებარე: თბილისი, დავით აღმაშენებლის ხეივანი, მე-12 კმ, N64).

ვიცე-რექტორი
კლიმიაშვილი ლევან

2017